

# 青島指南卷四

## 第四編 游覽紀要

青島一隅，當勞山之麓，黃海之濱，環岸皆山，傍山即海，開埠以後，設備日周，交通日便，益以宜人之氣候，可戀之風光，故游客來者，大有年增月盈之概焉。

### 甲 公園

青島全市建設，已不啻一大公園。林木花卉，在在皆是，其闢地建築，標公園之名，以供市民業餘遊息之所者，市內市外，亦不下十數餘處。茲就其設備較周者，略舉如下。

(一)中山公園 爲市立公園中之最大者。位於會泉之北，占地一千六百餘畝，我國接收後，即以爲此園爲接收紀念物，故計劃設備，不遺餘力，前後八九年間，頓改舊觀。現在園中之花卉佈置，林木栽培，均井然有序，尤以櫻花爲最多，每當二四月間，紛繽夾道，宛若紅霞，美景良辰。游人若織。

(二)海濱公園 在信號山南麓，傍山，濱海，園內道路，因其自然之高低，而成起伏之勢，亭台點綴，曲徑通幽。閒步其間，但見嶙峋亂石，逐浪浮沉，綠樹扶疎，爽侵裾袖。偶然游憩，在全市公園中，當以此處爲最適也。

(三)第三公園 在市區聊城路側，占地六十六畝，園址傍山，緣坡植樹，頗得自然佳趣。惟地點過於偏僻，日間遊覽，尙屬相宜，夜則遊人甚少，惟踏月探幽者，偶一涉足而已。

(四)四方公園，在四方鎮，爲膠濟鐵路管理局所創設，故亦稱鐵路公園。園中臺土爲山，鑿地爲池，頗得山水之雅，所栽花卉，亦掩映成趣。惟離市較遠，不無遺憾耳。

(五)青島神社，在遼甯路，爲日管時代所建之廟宇。門前有花崗石牌坊一，頗爲高崇。由此直趨而上，卽爲神社。社壇四圍，盡植花木，尤以櫻花爲最多。櫻花開時，遊人之熱鬧，不下於中山公園。其南並畜動物多種，如獼猴，黑熊，白鶴，洋兔，鸚鵡等，以供游人玩覽焉。

此外第二公園，第四公園、第五公園，第六公園，棧橋公園，府側公園，……等等，都不過圍以鐵索，植以洋槐，並無何種特別點綴可供記述，故從省略。總之青島一市，庭園花木，隨地皆有，每當春夏之交，綠葉蔥蔭，觸目皆是，空氣清潔，風景美麗，在我國各大部市中，確可首屈一指。宜乎一般人士，有『東方樂園』『東方瑞士』之譽也。

## 乙 海水浴場

青島負山面海，海水浴場，在在皆有。每屆夏季，中西人士之來此游泳者，恆數千人云。

(一)會泉浴場，在會泉岬之西，海濱公園之東，兩海岬左右環抱，形成一大海灣。灣中面積甚廣，水底甚平，既無暗礁隱壑，亦無旋渦狂濤，所謂「砂細水清，潮汐穩靜」者，非虛語也。練習海浴，最爲適宜。沿岸有官產板房數間，以供浴客租賃，作爲更換衣服，及浴罷休息之用。私人租賃地段，自建板房者又復稱是。浴用器械，有跳台，浮台，舢板，救生圈等物，北岸設有咖啡店酒排間，跳舞場，及臨時旅社，微哥爾夫球等，以供浴客娛樂之需。

(二) 湛山浴場，湛山一帶，現已劃入頤養區中，四圍森林，掩天蔽日，空氣之新鮮，風景之優勝，道路之整潔，在市區中，可謂無出其右。西人來青避暑者，均以此處爲遊息之所，每當夏季，不啻成爲一西人村落焉。現在太平角下，亦闢爲浴場，以供避暑西人海浴之需要。公安局並在該處添設派出所一所，以資保護。

(三) 棧橋浴場，又名太平浴場，在太平路南，海軍棧橋之左右，因海底既多暗礁隱壑，救生設備，又未十分完全，有時潮汐遽來，漩渦突起。苟無相當練習，便與波臣爲伍，故入浴者甚鮮。

(四) 船渠浴場，在船渠港下，爲日人所創設。沐浴者，亦以日人爲最多。設置周全，惟規模爪小，故浴客不多。比較會泉浴場，不啻小巫大巫矣。

### 丙 市內名勝

青島在未開商港以前，僅爲一漁家村落，本無勝蹟可言，迨後人事日繁，建築日多，而人爲之勝蹟，遂亦在在皆是。茲擇其足資游覽者，略記如下。

(一) 觀海臺 觀海臺在觀海山山巔，爲商埠局時代總辦趙琪所創建。登臺遙望，不第澳內全景，歷歷在目，卽澳外航輪，亦可一望無遺。某君詩云：「風帆葉葉遠浮空，海色天光上下同，最是雨餘東望處，紅樓翠巘夕陽中，」蓋紀實也。

(二) 會泉壘 會泉壘，爲德租青島後之最大防禦工程，固其在會泉岬南端，故名會泉炮臺。由上而下，共有大砲五尊，現皆毀廢。壘下爲德兵營房，係由山腰鑿墜道一條，直達海口。墜左

鑿室數十間，一如鋸齒櫛比，其工程之浩大，真可使見者咋舌。我國接收後，雖廢壘猶存，已無軍事上之效用，徒供游覽者一擴眼界而已。岬端怪石崢嶸，與潮汐相摩激，穹窿澎湃，有類石鐘。而羣羣白鷗，時於此海闊天空中，翱翔上下，使人見之，有浩然乘桴之感。

(三) 天后宮，天后宮在萊陽路西端，距市府不遠，爲漁航業者所剏建。凡以漁航爲業者，奉之甚虔。青島市內房屋，均屬西式，惟此廟則純粹爲華式。於綠林紅屋之中，亦別饒佳趣之點綴也。

(四) 大港碼頭 大港碼頭，在市區東北，形圓水深，隆冬不凍，雖數百萬噸之巨艦，可以緊擁碼頭，無煩搬運。碼頭之外，另有擋波堤一條，作半環形，藉以障蔽風浪，使碼頭建築，不致爲風浪所摧毀，計長四千密達。上建火車道，以供運輸之用，在東亞各商港中，工程之大，設備之周，允可推爲首屈一指。安溪生詩云：「萬國梯航此淹留，大風猶自說齊州，東西良港知多少，應數青邱第一籌」，洵非虛語也。

(五) 青島燈塔 青島爲南海沿前之一小島，因其山岩聳秀，林木長青，故有「青島」之號焉。島上建有燈塔，爲德管時代所創設，每當月映波心，塔影倒垂，宛如西子湖頭，雷峯夕照，景緻甚佳。

(六) 海軍棧橋 海軍棧橋，在中山路南端，直伸入海，爲清合肥李儀叟所剏建，以供海軍運卸物品之需。故有海軍棧橋之稱。現以年久失修，橋址頗多鏽腐。已於去年興工，重行改建，不

久即可奐然一新矣。

(七)旗山信號 旗信山在觀象山東，舊名掛旗山，亦名信號山，爲輪船入口傳遞信號之所。每屆端午，士女采艾挹露，輒以此山爲目的地。登山觀海，較之觀海山，尤能遠望，輪舶桅檣，雖隔數十里，即可了了，高瞻遙矚，此爲最宜。

(八)貯水池 貯水山在旗信山東北，與觀海山成鼎足之勢。兩峯對峙，中作凹形，形同馬鞍，故又有馬鞍山之號。上有貯水池，大可數十合，亦爲德管時代所建之一大工程。

(九)國民大橋 國民大橋在天津路西端。橫跨膠濟鐵路。爲市內通西嶺之要道。乃我國接收後之大建築也。長凡六百六十二英尺。兩端築成砂石坡面，與路面相啣接，由市內至西嶺者，現皆取道於此。

(十)李村市集 李村爲市屬鄉村之中樞，有公共汽車，可以直達，鄉村貿易，大抵皆集於此。凡遇集市之期，四方趕集者，恆二三萬人，臨時商攤，多至千數百家。農村日用之物，無不應有盡有，鄉村之一大奇觀也。

(十一)沙口漁集 沙子口適當旱河入海之所，灣闊水深，帆船停泊，最爲相宜，故外海漁舟，多集於此。每當春秋魚汛，海產物雜然紛陳，不可數計，其盛狀，不下於李村市集。

(十二)靈山削壁 水靈山島，爲青市最南轄境，地當薛家島正南，距海岸約十三海里，嵌露刻秀，儼如畫屏，屹立於巨浸駭浪之中，蔚爲一大奇觀，島中草色山光，蒼翠奪目，林木密茂，

不生毒蟲，未雨而雲先日而曙，如有靈氣焉。故有靈山之名。

(十二)陰島鹽田 陰島爲市屬二十五島中之最大者。島中南部多石礁，北部多鹽田，居民十有餘村，皆賴漁鹽之利。入其間者，但見縱橫鹽斗，排列海沿，游覽其中，別饒佳趣，亦足資一遊之所云。

#### 丁 勞山名勝

勞山亦稱鰲山，在青市之東北，卽墨縣之東南，爲道家名山之一，實測海拔三千八百餘尺，山中岩石突兀，姿勢莊嚴，峯上有峯，谷中有谷，更以地臨東海，雲氣變幻，山色嵐光，爲內地名山所不及。加以道觀數十，點綴其間，故攬勝探幽者，恆踵趾相接焉。邱處機詩云：『卓犖鰲山出海隅，霏微靈秀滿天衢，羣峯削玉成千仞，亂石穿空一萬枝，』可知景物之一斑矣。

青島自經德人租借後，對於游山設備，力求完善，曾經調查山稜線系統，闢爲登山十六路，凡在山迴路轉之處。皆刻石豎碑，指示途徑。另繪勞山流覽圖，以供對照，故游山者可以按圖索驥，循標往還，毋煩人引，亦無迷途之慮。惟年久失修，大半淹沒，去年經沈市長修築大勞觀路完竣，入山口，乃由三處而增爲四處，卽柳樹台，登窰口，大勞觀及太清宮是也。茲將勞山勝蹟之主要者。約舉如左。

(一)九水菴 九水距青市約六十里，汽車可以直達，菴臨觀川口，上有平台，台上設有小客寓一所，兼售酒菜，以供游客休憩之用。由此沿河而進，越王子澗，卽柳樹台矣。

(二)柳樹台 爲入山孔道，下距板房約三里。由此往南可至勞頂山，往東則至北九水，勞山大飯店即設於此。炎天避暑，病後養身，皆甚相宜。

(三)北九水菴 在柳樹台東北約八九里，九水南流入旱河，此則北流入白沙河，故稱北九水。溪流清淺，地極清幽，外人之在此築室潛居者，夾岸皆有。

(四)魚鱗口 (一名靛缸灣)由北九水東南行，約二里許，過雙石屋村，由此循村南仄徑，下趨澗底，於亂石間 曲折東行，可五六里，即達魚鱗口。上有危崖陡立，高可千仞，所謂勞山瀑布，即由崖端飛瀉而下，下承以井，溢爲溪澗。曲折下流，即爲北九水發源之地也。

(五)勞頂山 勞頂山，一名巨峯，簡稱勞頂。上有巨岩，周圍約百丈，有方可數尺之小岩石一片，矗立其上，登小岩石俯瞰四圍，大海羣山，全收眼底，令人有襟懷空曠之感。勞山諸峯，以此爲最高，故有勞頂之稱。

(六)蔚竹菴 由魚鱗口北岸攀援而升，越一山梁，即爲蔚竹菴。若由大路，須於雙石屋登山。所經松筠夾道，氣象萬千，較捷徑尤有觀玩之雅。過菴東行二三里，有歧路岔出，向東南者往勞頂，向東北者，則往棋盤石矣。

(七)白沙澗 在白沙河上流，兩山夾澗，下有深潭。由此以達北九水，沿途灘峽奇秀，清流紆迴，水作龍吟，石同虎踞，奇景異態，美不勝收。

(八)老僧峯 在華陰集西三里，上有迎仙峯，峯上有石，遙望之如老僧趺坐。故有是名。觀前古

樹，雄偉可觀。爲王思誠所題勞山十二勝景之一。

(九)大勞觀 大勞觀，在華樓宮之東，地勢平坦，汽車可以直達。距大勞觀三里，迂曲南行，登小嶺，有道觀曰神清宮，香火甚盛。三四月間，祈福進香者，踵趾相接焉。

(十)華樓宮 華樓宮，在華樓山西，去華陰集約五里，因山頂有石如樓，故有華樓之號。其中勝蹟，有翠屏岩，凌烟閣，玉女盆，夕陽澗等處，所謂華樓十二景是也。

(十一)太平宮 在白雲洞北六里，宮中祀老子及其門下十哲。爲宋時所創建。在勞山各道觀中，具有悠久之歷史者，此其一也。

(十二)獅子峯 獅子峯，在太平宮後。以峯狀作獅子向天吼形，因有是號。上有岩石，刻『山海奇觀』四大字，登峯觀覽，足使襟懷曠遠。

(十三)遇真觀 在鶴山上，上有元時長春真人所書『鶴山洞』三大字。鶴山爲勞山東麓，洞岩特兀，曲折入勝，有滾龍，朝陽等處。

(十四)棋盤石 由勞頂山向東北行，過一二小梁，循坡而上，路漸平坦。其北有巨岩，方廣二二三丈，上刻棋盤文，相傳爲仙人對奕之所。下爲明道觀，土人則稱爲棋盤石廟也。

(十五)華嚴菴 在明道觀東北約八九里。爲明崇禎時卽墨邑人黃坦所建，憨山大師曾駐錫於此。

勞山廟多道院，惟此則爲僧舍。山門之外，有其第一代大師慈霑和尚紀念塔，塔後有巨松蟠屈，環抱塔身，若維護者，亦奇蹟也。



(十六)藏經閣 在華嚴菴內，藏有全藏一部，爲清初康熙間刻本，乃雍正時所頒發者。字方約官尺五分，整齊完好，特建藏經閣儲藏，至今尙完整無缺。

(十七)白雲洞 在華嚴菴西北，洞爲岩石所疊成，中頗寬廣，門前喬松如蓋，幽篁成林，所栽銀杏玉蘭，皆可合抱。有石刻白雲洞三字，腕力雄勁，傳爲王思誠手筆云。

(十八)青山口 出華嚴菴東南行，抵海濱，經長嶺，黃山，卽達青山口。乃一東臨大海，三面環山，山之小鄉鎮。鎮中居民，類皆種植果樹，頗堪自給，黃髮垂髻，怡然自樂，洵桃源仙境不啻焉。鎮傍有大石岩，上刻「波海參天」四字。好事者傳爲始皇遺筆云。

(十九)太清宮 在勞頂山之東南海岸，亦稱下清宮，有道士三十餘人，爲勞山著名之古剎。宮中多喬木，有銀杏，虎皮松，黃楊，扁柏等類，尤以耐冬最爲著名。濰縣丁叔言聯云，「泉水聲喧隔夜雨，海風吹斷過山雲。」頗爲確切。該廟正殿亦藏有道經全部，計五千零四十八卷。據道士言：「山東各道觀中，藏此全經者，只此一處云」

(二十)明霞洞 由太清宮後山，過一土梁，有誌刻曰，二宮分路處。由此西北行，升而復降，有小橋，橋北，卽明霞洞。岩上有摩崖，刻明霞洞三字。洞中院宇整潔，山門前橫鋪石階，異常寬敞，後院植花木甚多，頗具道家清幽之意。

(廿一)上清宮 由明霞洞西南行，轉折循竹往，穿白雲，沿級而下，卽達上清宮。上清宮亦爲宋建古剎，昔年花木清幽，牡丹尤盛，現所賸者，尙有銀杏一枝，圍約五抱，道士謂爲宋前

之物，當非誣也。門前石澗，昔有朝真，迎仙二橋，今已圯廢矣。

(廿二)南天門 由上清宮西行五六里，至天門後，更西南行數里，爲天門峯，山勢峻險，羣峯拱立，山口二峯，尤爲高削，下瞰滄海，上插雲霄，故有天門之號。爲勞山唯一峻險之所。上有長春真人所書「南天門」三大字。

(廿三)聚仙宮 由南天門，曲折東北行，攀援岩谷，漸達海濱。再越流清河，過麥窰村，卽達聚仙宮。由此循澗入山，越烟雲澗，磚塔嶺，可達勞頂山。若由磚塔嶺，折向西行，卽至登窰村，沙子口。爲觀梨之勝地矣。

### 戊 娛樂

青市娛樂場所，可謂應有盡有。如京戲院，影戲院，說書場，落子館，跳舞廳，彈子房，跑馬場，俱樂部，籃球會，足球會等，均有相當組織。公共遊息，不論好動好盡，皆有適於箇性之場合焉。茲將其地點，名稱，略記如下。

#### 子 戲院

(一)新舞臺 新舞臺在平度路四十八號，演唱京戲，座位價目，特等七角，頭等四角，二等兩角，包廂一元，水果，乾果，每盤兩角，案目小賬，隨客賞給。

(二)同樂茶園 同樂茶園，在商業市場。座位價目，日戲頭等二角，二等一角，夜戲頭等四角，二等兩角，包廂全座四元，每位四角。水果，乾果，每盤一角，案目小賬，隨客賞給。

(三)國民大戲院 在中山路，即樂樂座原址，現演蹦蹦戲，座位價分五角三角兩種，茶每客五分，水菓乾菓每盤一角。

(四)五福大戲院 在西大森市場，現演京戲，座位價目，頭等三角，二等二角，三等一角。茶水五分，水菓一角。

### 丑 電影

(一)福祿壽大戲院 院址，在中山路十五號。電話四二七〇號。所映電影，以國產片占多數。座位價目：頭等七角，二等四角，每日共映兩場，第一場自下午二時起，至四時半止，第二場自七時半起，至十時止。

(二)山東大戲院 院址在中山路三十號。所映電影，國產片，外國片皆有；且以有聲影片，占居多數。座位價目：日場，頭等八角，二等六角，三等四角，夜場，頭等一元，二等八角，三等六角，四等四角。每日下午二時，五時，及八時半，共映三場。

(三)明星大戲院 院址在安徽路與湖南路交叉處。為美商所開設，專映外國影片。座位價目，頭等一元，二等六角，三等四角。每日映片，自二點一刻起，至十一點半止，循環放演，不分場次。

(四)福祿壽分院 院址在台東鎮二號路。即中山路福祿壽大戲院之分院，所映影片，都是福祿壽映過之片子，座位價目，映片時間，全與中山路福祿壽同。

寅 游藝

(一) 共樂茶園 園址，在青海路六十四號。有大鼓書。蹦蹦戲，京戲等，茶資每客二角，戲資隨客賞給。

(二) 聚仙茶園 園址在海泊路三十四號。有大鼓書，蹦蹦戲，說書，平話等，茶資每客二角，戲資隨客賞給。

(三) 國民樂園 園址在河北路四十三號。有京戲，大鼓書，蹦蹦戲等，茶資每客一角，戲資隨客賞給。

卯 票房及俱樂部

(一) 和聲社票房 社長黃恂如，社址浙江路。

(二) 風雅社票房 社長陳雲渠，社址錦州話。

(三) 聯青社俱樂部 社長魏菊峯，社址青年會。

(四) 物產俱樂部 社長張煥臣，社址濟南路。

(五) 嶺南俱樂部 爲兩廣商人所組織，地點中山。

(六) 青島俱樂部 爲市府所組織，地點文登路四號。

(七) 海軍健行社 爲海軍同人所組織，地點中山路。

(八) 膠海關俱樂部 爲膠海關職員所組織，地點武定路。

此外尚有說書場多處，皆僅租屋一間，設橙數隻，召號勞工，藉以維持個人生活而已。與上海之露天書場，不相上下。

#### 己 跑馬場

青市跑馬場，僅會泉一處，爲德管時代所建設。爲兵士操練之用。迨我國接收，始將此場租與萬國體育會，作爲賽馬之用。現沈市長，以市區日見繁榮，故有將馬場遷往市外之擬議，刻正在審核地點中云。

